

楞

嚴

經

合

卷

第



四


本

漢書門			
三	二	九	九
一	四	二	九
六	四	二	九
冊	架	函	號類

內閣文庫			
三	三	九	九
一	六	九	九
一	六	九	九
函	冊	號	類

內閣文庫			
番號	漢	3299	
冊數	6 (3)		
函號	310	1	





富樓那又汝問言地水火風本性圓融徧法界疑
 水火性不相陵滅又徵虛空及諸大地俱徧法界不
 合相容富樓那譬如虛空體非羣相而不拒彼諸相
 發揮所以者何富樓那彼太虛空日照則明雲屯則
 暗風搖則動霽澄則清氣凝則濁土積成霾水澄成
 瑩於意云何如是殊方諸有為相為因彼生為復空
 有若彼所生富樓那且日照時既是日明十方世界
 同為日色云何空中更見圓日若是空明空應自照
 云何中宵雲霧之時不生光耀當知是明非日非空
 亦非空只觀相尸文無可指陳猶邀空華結為空界

二八五

註其杜陵注 我觀性元真唯妙覺明妙覺明心
先非水火云何復問不相容者真妙覺明亦復如是
汝以空明則有空現地水火風各各發明則各各現
若俱發明則有俱現云何俱現富樓那如一水中現
於日影兩人同觀水中之日東西各行則各有日隨
二人去一東一西先無準的不應難言此日是一云
何各行各日既雙云何現一宛轉虛妄無可憑據
論云所言譬如虛空體非羣相而不拒彼諸相發
揮者法法體性虛誑如此如地性是實則不可更
易法身菩薩能變大地為金地種頓失則豈真實

又如墻如山呼聲能度則豈真實水性是實則不
可更易天人見水謂是琉璃餓鬼見水謂是火魚
謂是室廬而水性隨所見成就則豈真實又如寒
冰其河能度車馬則豈真實火性是實則不可更
易樹提伽則生火中火為母慈則豈真實又西國
有布以火浣之鮮明謂之火浣布則豈真實風性
是實則不可更易列子御之而行旬有五日而後
反則豈真實又舟得其便而駕之則豈真實龍勝
問曰云何地水火風實法亦但有名字答無智人
謂地等諸物以為實聖人慧眼觀之皆是虛誑譬

如小兒見鏡中像以爲實，懼喜欲取，大人觀之，但
誑惑人眼。諸凡夫見微塵和合而成，謂爲實地。除
有天眼者能散此地，但見微塵。慧眼分別，雖散此
地，初不可得。以是觀之，各各發明，則有俱現，不待
兩人同觀。水中之日，東西各行，日各隨去也。故觀
相元妄，觀性元真，則任彼諸法，各各發明，何所拒
哉。

富樓那，汝以色空相傾，相奪於如來藏，而如來藏隨
爲色空。周徧法界，是故於中風動空澄，日明雲暗，衆
生迷悶，背覺合塵，故發塵勞。有世間相，我以妙明不

滅不生，合如來藏，而如來藏唯妙覺明，圓照法界，是
故於中一爲無量，無量爲一小，中現大大，中現小小，不
動道場，徧十方界，身含十方無盡虛空，於一毛端現
寶王刹，坐微塵裏，轉大法輪，滅塵合覺，故發真如妙
覺明性，而如來藏本妙圓心，非心非空，非地非水，非
風非火，非眼非耳鼻舌身意，非色非聲香味觸法，非
眼識界，如是乃至非意識界，非明無明，明無明盡，如
是乃至非老非死，非老死盡，非苦非集，非滅非道，非
智非得，非檀那非尸羅，非毗黎耶，非羸提非禪那，非
般若，若非波羅蜜多，如是乃至非但闍阿竭，非阿羅

訶三耶三菩非大涅槃非常非樂非我非淨以是俱
非世出世故卽如來藏元明心妙卽心卽空卽地卽
水卽風卽火卽眼卽耳鼻舌身意卽色卽聲香味觸
法卽眼識界如是乃至卽意識界卽明無明明無明
盡如是乃至卽老卽死卽老死盡卽苦卽集卽滅卽
道卽智卽得卽檀那卽尸羅卽毘黎耶卽羸提卽禪
那卽般刺若卽波羅蜜多如是乃至卽怛闍阿竭卽
阿羅訶三耶三菩卽大涅槃卽常卽樂卽我卽淨以
是俱卽世出世故卽如來藏妙明心元離卽離非是
卽非卽如何世間三有衆生及出世間聲聞緣覺以

所知心測度如來無上菩提用世語言人佛知見譬
如琴瑟笙篳篥琵琶雖有妙音若無妙指終不能發汝
與衆生亦復如是寶覺真心各各圓滿如我按指海
印發光汝暫舉心塵勞先起由不勤求無上覺道愛
念小乘得少爲足

論曰如前文曰我今爲汝建大法幢亦令十方衆
生獲妙微密性淨明心得清淨眼者示此經之宗
所謂明見性者也於此則曰我以妙明不滅不生
合如來藏而如來藏唯妙覺明圓照法界爲滅塵
合覺夫滅塵合覺又示趣也問何謂滅塵合覺爲

經之趣曰世尊以衆生迷故背此覺體之久既遇
了緣則當親近隨順之止觀兩法者親近隨順之
要也馬鳴又謂之方便欲顯現真如法故有二種
行一者行根本方便謂觀一切法因緣和合業果
不失起諸大悲修諸善行攝化衆生不住涅槃以
真如離於生死涅槃相故此行隨順以爲根本是
名行根本方便二者能止息方便所謂慚愧及以
悔過此能止息一切惡法令不增長以真如離一
切過失相故隨順真如止息諸惡是名能止息方
便雜華曰佛子譬如金翅鳥王飛行虛空回翔不

去以清淨眼觀察海內諸龍宮殿奮勇猛力以左
右翅鼓揚海水悉令兩闢知龍男女命將盡者而
搏取之如來應正等覺金翅鳥王亦復如是住無
礙行以淨佛眼觀察諸宮殿中一切衆生若曾種
善根已成熟者如來奮勇猛力以止觀兩翅鼓
揚生死大愛海水使其兩闢而撮取之置佛法中
令斷一切妄想戲論安住如來無分別無礙行十
明論曰以迷十二有支名一切衆生悟十二有支
卽是佛故衆生及以有支皆無自性若隨順煩惱
無明行識名色六根相對生觸受愛取有成五蘊

身卽生老死常流轉故若以戒定慧觀照方便亦
照自身心境體相皆自性空無內外有卽衆生心
全佛智海如馬鳴根本止息二方便觀照此戒定
慧三觀照方便與此經欲滅塵合覺之意同也言
譬如琴瑟笙篴琵琶雖有妙音者寶覺真心衆生
皆證也若無妙指終不能發者喻此本有真心自
非善知識方便昭示衆生何由得識雜華曰佛法
無人說雖慧不能了亦此意也言如我按指海印
發光者以隨順戒定慧觀照方便者也謂之善用
其心言汝暫舉心塵勞先起者以不能隨順戒定

慧觀照方便而隨順煩惱無明者也謂之不善用
其心經文上言按指下言舉心者簡妙其詞使法
喻互見耳龍勝曰衆生心性猶如利刀唯用割泥
泥無所成刀日就損理體常妙衆生自麤能善用
之卽合本妙世尊至此舉心諦法十二因緣諸六
波羅蜜法三十七道品至如來地世出世間之法
曰妙明心元離卽離非是卽非卽者此心微妙廣
大非妄念所能觸故何以故心體真如究竟空故
夫言究竟亦是以言遣言言說之極馬鳴曰真實
空者從本以來一切染法不相應故離一切法差

別相故無有虛妄分別心故應知真如非有相非
無相非有無相非非有無相非一相非異相非非
一異相畧說以一切衆生虛妄分別所不能觸故
如易咸卦六爻初曰咸其拇二曰咸其腓三曰咸
其股至九四但曰貞吉悔亡憧憧往來朋從爾思
九五又曰咸其脢上六曰咸其輔頰舌四者當言
心而不言心何也心非爻數所系但曰朋從爾思
而已離亦心之卦當四爻而犯之故曰棄如死如
乃知止言思者不欲犯之詞也補曰自滅塵合
覺至以是俱非世出世故明空如來藏也自其下

至以是俱即世出世故明不空如來藏也於空如
來藏則曰元明心妙於不空如來藏則曰妙明心
元此一節文全生於汝以色空相傾相奪二句世
尊意謂富樓那曰汝於如來藏則以色空相傾相
奪而如來藏隨為色空故舉心則塵勞起矣我於
如來藏則以不滅不生合之故按指則海印發光
也問曰前言覺明為咎今言唯妙覺明又曰本妙
圓心何也曰此之覺明即性覺之妙明非覺明之
妄明也本妙圓心即如來藏心非肉團心也孤山
以如來藏約三諦而分之雖一時可觀恐非如來

本意何則若以世出世間之法非非之即之為三諦該如來藏於楞伽當何以分之耶如佛語心品曰有時空無相無願如實際法性法身涅槃離自性不生不滅本來寂靜自性涅槃如是等句說如來藏入楞伽又曰一切世間法皆如幻而諸外道凡夫不知楞伽王若能如是見如實見者名為正見若異見者名為邪見若分別者名為取二楞伽王譬如鏡中像自見像譬如水中影自見影如月燈光在屋室中影自見影如空中響聲自出聲取以為聲若如是取法與非法皆是虛妄妄想分別

是故不知法及非法增長虛妄不得寂滅寂滅者名為一心一心者名如來藏二經既以空無相無願離自性寂滅等為如來藏校此經非諸法之旨初無有異但楞伽惟顯空如來藏此則兼顯不空如來藏也故於非諸法之下則曰即如來藏於即諸法之下亦曰即如來藏其大義炳然何必以三諦局而分之蓋愚於前文嘗闡淨覺者此也寂音謂離即離非是即非即為遣言者違矣而孤山又以由不勤求無上覺道之句謂釋塵勞先起之由差之亦甚佛意似曰汝暫舉心塵勞先起者過由

不求無上覺道但愛念小乘得少爲足耳所言非
道非得卽疊結二乘但闡阿竭此云如來阿羅訶
此云應供三耶三菩此云正徧知

富樓那言我與如來寶覺圓明眞妙淨心無二圓滿
而我昔遭無始妄想久在輪迴今得聖乘猶未究竟
世尊諸妄一切圓滅獨妙眞常敢問如來一切衆生
何因有妄自蔽妙明受此淪溺佛告富樓那汝雖除
疑餘惑未盡吾以世間現前諸事今復問汝汝豈不
聞室羅城中演若達多忽於晨朝以鏡照面愛鏡中
頭眉目可見嗔責已頭不見面目以爲魑魅無狀狂

走於意云何此人何因無故狂走富樓那言是人心
狂更無他故佛言妙覺明圓本圓明妙旣稱爲妄云
何有因若有所因云何名妄自諸妄想展轉相因從
迷積迷以塵塵劫雖佛發明猶不能返如是迷因因
迷自有識迷無因妄無所依尚無有生欲何爲滅得
菩提者如寤時人說夢中事心縱精明欲何因緣取
夢中物况復無因本無所有如彼城中演若達多豈
有因緣自怖頭走忽然狂歇頭非外得縱未歇狂亦
何遺失富樓那妄性如是因何爲在汝但不隨分別
世間業果衆生三種相續三緣斷故三因不生則汝

心中演若達多狂性自歇歇即菩提勝淨明心本周
法界不從人得何籍勛勞肯綮修證
補曰佛以三緣斷處名之曰歇歇即勝淨明心煥
然顯露與佛無殊豈待修而後證所謂一擊忘所
知更不假修持是也無盡曰滿慈問何因有妄不
問肯綮修證刪去何籍二句嗚呼經意著明若揭
日月何無盡之自昧類若是耶本周法界者謂此
心雖被緣因所覆初不曾失故下文舉衣珠爲喻
譬如有人於自衣中繫如意珠不自覺知窮露他方
乞食馳走雖實貧窮珠不曾失忽有智者指示其珠

所願從心致大饒富方悟神珠非從外得即時阿難
在大衆中頂禮佛足起立白佛世尊現說殺盜姪業
三緣斷故三因不生心中達多狂性自歇歇即菩提
不從人得斯則因緣皎然明白云何如來頓棄因緣
我從因緣心得開悟世尊此義何獨我等年少有學
聲聞今此會中大目犍連及舍利弗須菩提等從老
梵至聞佛因緣發心開悟得成無漏今說菩提不從
因緣則王舍城拘舍黎等所說自然成第一義唯垂
大悲開發迷悶佛告阿難即如城中演若達多狂性
因緣若得滅除則不狂性自然而出因緣自然理窮

於是阿難演若達多頭本自然本自其然無然非自
何因緣故怖頭狂走若自然頭因緣故狂何不自然
因緣故失本頭不失狂怖妄出曾無變易何籍因緣
本狂自然本有狂怖未狂之際狂何所潛不狂自然
頭本無妄何爲狂走

補曰自頭本自然至何爲狂走文有三疊其一曰
若頭本自然出於狂怖既本自其然則無然非自
何由照鏡因緣怖頭狂走此以因緣破自然也其
二曰此自然頭若由照鏡因緣故狂此狂何不由
照鏡因緣故失若本頭不失狂怖妄出則此本頭

曾無變易又豈藉因緣而使之然此以自然破因
緣也其三曰若頭自然本有狂怖當未狂之際狂
潛何地若不狂既非自然頭亦本自無妄何爲怖
頭狂走此總破因緣自然俱爲戲論也故下文云
云演若達多此云祠授

若悟本頭識知狂走因緣自然俱爲戲論是故我言
三緣斷故卽菩提心菩提心生滅心滅此但生滅
滅生俱盡無功用道若有自然如是則明自然心生
生滅心滅此亦生滅無生滅者名爲自然猶如世間
諸相雜和成一體者名和合性非和合者稱本然性

本然非然和合非合合然俱離離合俱非此句方名
無戲論法菩提涅槃尚在遙遠非汝歷劫辛勤修證
雖復憶持十方如來十二部經清淨妙理如恒河沙
只益戲論汝雖談說因緣自然決定明了人間稱汝
多聞第一以此積劫多聞熏習不能免離摩登伽難
何須待我佛頂神呪摩登伽心姪火頓歇得阿那含
於我法中成精進林愛河乾枯令汝解脫是故阿難
汝雖歷劫憶持如來祕密妙嚴不如一日修無漏業
遠離世間憎愛二苦如摩登伽宿爲姪女由神呪力
銷其愛欲法中今名性比丘尼與羅睺母耶輸陀羅

同悟宿因知歷世因貪愛爲苦一念熏修無漏善故
或得出纏或蒙授記如何自欺尚畱觀聽

論曰貪因緣盜盜卽是緣瞋因緣殺殺卽是緣癡
因緣姪姪卽是緣是謂三緣貪業果報以貪爲因
瞋業果報以瞋爲因癡業果報以癡爲因是謂三
因故曰三緣斷故三因不生問曰維摩經曰爲憎
上慢人說有殺盜姪業圓覺經曰諸姪怒癡俱爲
梵行而此經必欲令斷之何也曰世尊以此會指
阿難摩登伽爲緣說流轉三界坐貪姪欲故特言
斷之也如易噬嗑去姦之卦曰利用獄耳願中有

物動而麗乎上則噬嗑矣物譬則姪習也噬嗑以
獄之譬則以交神之道見之也龍勝曰衆生虛妄
如玻黎珠隨前色變自無定色如以瞋心見此人
癡若瞋心休息姪欲心生還見此人復好若以憍
慢心生見此人卑賤聞其有德還生敬心如如是等
有理而憎愛無理而憎愛皆是虛妄雜華論曰須
彌在大海中高八萬四千由旬非手足攀攬可及
以明八萬四千塵勞住煩惱大海衆生有能於一
切法無思無爲卽煩惱自然枯竭塵勞成一切智
山煩惱成一切智海若更起心思慮卽有攀緣則

塵勞愈高煩惱愈深不能以至諸佛至頂也黃龍
曰譬諸地爾隆者下之窪者平之彼將登於九仞
之上吾亦與之俱困而極於九淵之下吾亦與之
俱技之窮則妄盡而自釋也故曰演若達多狂性
自歇歇卽菩提勝淨明心本周沙界不從人得何
藉劬勞肯綮修證著骨肉謂之肯於骨可啓處有
小結礙謂之綮莊子曰技經肯綮之未嘗肯綮庖
者用功力處經意若曰但狂性歇卽不必施功力
也譯者用莊子之語達其意補曰如來旣排因
緣自然俱爲戲論至無功用道離合俱非理智不

及處方名無戲論法於菩提涅槃智斷二果尚在
遙遠況戲論法乎此無戲論法非汝歷劫辛勤修
證可得此結明何藉劬勞肯綮修證之義也若修
證可得只益戲論故曰汝雖歷劫憶持如來秘密
妙嚴不如一日修無漏業其詞簡其旨明矣義學
之師以聞而未證與庶幾之義釋尚在二字嗚呼
如來直道示人豈以二途使後學背馳哉如尚留
意聽與尚在遙遠有何異其自迂若此又以智論
佛坐道場時偈釋無戲論法此尤不通之論也耶
輸陀羅此云華色

阿難及諸大衆聞佛示誨疑惑銷除心悟實相身意
輕安得未曾有重復悲淚頂禮佛足長跪合掌而白
佛言無上大悲清淨寶王善開我心能以如是種種
因緣方便提獎引諸沈冥出於苦海世尊我今雖承
如是法音知如來藏妙覺明心徧十方界含育如來
十方國土清淨寶嚴妙覺王刹如來復責多聞無功
不逮修習我今猶如旅泊之人忽蒙天王賜與華屋
雖獲大宅要因門入惟願如來不捨大悲示我在會
諸蒙暗者捐捨小乘畢獲如來無餘涅槃本發心路
令有學者從何攝伏疇昔攀緣得陀羅尼入佛知見

作是語已、五體投地、在會一心、佇佛慈旨、爾時世尊
哀愍會中緣覺、聲聞於菩提心未自在者、及爲當來
佛滅度後末法衆生、發菩提心、開無上乘妙修行路、
宣示阿難及諸大衆、汝等決定發菩提心、於佛如來
妙三摩提、不生疲倦、應當先明發覺初心二決定義、
云何初心二義決定阿難、第一義者、汝等若欲捐捨
聲聞、修菩薩乘、入佛知見、應當審觀因地發心、與果
地覺爲同爲異、阿難若於因地、以生滅心爲本修因、
而求佛乘、不生不滅、無有是處、以是義故、汝當照明
諸器世間可作之法、皆從變滅、阿難、汝觀世間可作

之法、誰爲不壞、然終不聞爛壞、虛空何以故、空非可
作、由是終始無壞滅、故則汝身中堅相爲地、潤濕爲
水、煖觸爲火、動捏爲風、由此四纏、分汝湛圓妙覺、明
心爲視、爲聽、爲覺、爲察、從始入終、五疊渾濁、云何爲
濁、阿難、譬如清水、清潔本然、卽彼塵土、灰沙之倫、本
質畱礙、二體法爾、性不相循、有世間人、取彼土塵、投
於淨水、土失畱礙、水亡清潔、容貌汨然、名之爲濁、汝
濁五重、亦復如是、阿難、汝見虛空、徧十方界、空見不
分、有空無體、有見無覺、相織妄成、是第一重、名爲劫
濁、汝身現博四大爲體、見聞覺知、壅令畱礙、水火風

土旋令覺知相織妄成是第二重名爲見濁又汝心中憶識誦習性發知見容現六塵離塵無相離覺無性相織妄成是第三重名煩惱濁又汝朝夕生滅不停知見每欲畱於世間業運每常遷於國土相織妄成是第四重名衆生濁汝等見聞元無異性衆塵隔越無狀異生性中相知用中相背同異失準相織妄成是第五重名爲命濁阿難汝今欲令見聞覺知遠契如來常樂我淨應當先擇歿生根本依不生滅圓湛性成以湛旋其虛妄滅生伏還元覺得元明覺無生滅性爲因地心然後圓成果地修證如澄濁水貯

於靜器靜深不動沙土自沈清水現前名爲初伏客塵煩惱去泥純水名爲永斷根本無明明相精純一切變現不爲煩惱皆合涅槃清淨妙德第二義者汝等必欲發菩提心於菩薩乘生大勇猛決定棄捐諸有爲相應當審詳煩惱根本此無始來發業潤生誰作誰受阿難汝修菩提若不審觀煩惱根本則不能知虛妄根塵何處顛倒處尚不知云何降伏取如來位阿難汝觀世間解結之人不見所結云何知解不聞虛空被汝墮裂何以故空無形相無結解故則汝現前眼耳鼻舌及與身心六爲賊媒自劫家寶由此

無始衆生世界生纏縛故於器世間不能超越阿難
云何名爲衆生世界世爲遷流界爲方位汝今當知
東西南北東南西南東北西北上下爲界過去未來
現在爲世方位有十流數有三一切衆生織妄相成
身中貿遷世界相涉而此界性設雖十方定位可明
世間只目東西南北上下無位中無定方四數必明
與世相涉三四四三宛轉十二流變三疊一十百千
總括始終六根之中各各功德有千二百阿難汝復
於中克定優劣如眼觀見後暗前明前方全明後方
全暗左右傍觀三分之二統論所作功德不全三分

言功一分無德當知眼唯八百功德如耳周聽十方
無邊動若邇遙靜無邊際當知耳根圓滿一千二百
功德如鼻嗅聞通出入息有出有入而闕中交驗於
鼻根三分闕一當知鼻唯八百功德如舌宣揚盡諸
世間出世間智言有方分理無窮盡當知舌根圓滿
一千二百功德如身覺觸識於違順合時能覺離中
不知離一合雙驗於身根三分闕一當知身唯八百
功德如意默容十方三世一切世間出世間法唯聖
與凡無不包容盡其涯際當知意根圓滿一千二百
功德阿難汝今欲逆生歿欲流返窮流根至不生滅

當驗此等六受用根誰合誰離誰深誰淺誰爲圓通誰不圓滿若能於此悟圓通根逆彼無始織妄業流得循圓通與不圓根日劫相倍我今備顯六湛圓明本所功德數量如是隨汝詳擇其可入者吾當發明令汝增進十方如來於十八界一一修行皆得圓滿無上菩提於其中間亦無優劣但汝下劣未能於中圓自在慧故我宣揚令汝但於一門深入入一無妄彼六知根一時清淨

論云既曰歇卽菩提勝淨明心本周沙界不從人得何藉劬勞肯綮修證及阿難請問從何攝伏疇昔攀緣則又示發覺初心二決定義謂止觀也止觀雖未至肯綮非修證乎曰新學菩薩不知佛意則於修行有二種疑疑有修證卽成敗壞之法疑斷修證則無成辦之期故世尊旣已顯說頂法深妙微密畢殫無餘矣乃開方便門爲發覺初心者說此二義夫謂之方便則非究竟法馬鳴問曰一切衆生一切諸法皆同一法界無有二相據理但應正念真如何假復修一切善行救一切衆生答曰不然如摩尼寶珠本性明潔在鑛穢中假使人勤加憶念而不作方便不施功力欲求清淨終

不可得真如之法亦復如是體雖明潔具足功德
而被無邊客塵所染假使有人勤加憶念而不作
方便不假修行欲求清淨終無得理故爲初心則
是方便法華經說四種安樂行至常在閑處收攝
其心觀一切法如實相則曰是名親近處譬如窮
子捨父逃逝五十餘年於娼歸來下劣之心未能
捨故見其父寶几承足白拂執衛疑非已有則以
方便二十年間但令除糞然後出入心相體解卽
與名子以是知佛於涅槃時說衆生佛性有二種
因一者正因二者緣因正因謂衆生佛性緣因謂

六波羅密如乳中之酪因醉醺發之乃得成就問
曰五濁何因而然曰定林曰土色也水識也識色
雜亂故名爲濁若根不緣塵則識色不偶識色不
偶則水不雜土成清瑩矣劫濁在色陰地若盡此
陰則劫清淨有空無體結暗爲色故有見無覺生
發遍迷故見濁在受陰地若盡此陰則見清淨見
聞覺知壅令畱礙以有界故水火風土旋令覺知
以有數故初一水也次二火也次三風也次四土
也故言序如此煩惱濁在想陰地若盡此陰則煩
惱清淨雖未盡此陰已能返觀其面去住自由性

發知見者根不能壅也故離根而性發容現六塵者塵不能旋也故絕塵而容現此則憶識誦習禪定力也然猶離色塵無相離見覺無性所以名煩惱濁衆生濁在行陰地若盡此陰則衆生清淨衆生卽覺性澄寂則合空爲真擾動則合塵爲妄離妄無生滅也所謂知見每欲留於世間業運每常遷於國土者生滅法也以著生滅名衆生濁命濁在識陰地若盡此陰則命清淨衆塵隔越無狀異生以識分別迷一性故性中相知用中相背以起見墮執故同異失準不達性相義故聲聞緣覺皆

不能超此如來用中相背故曰用中相背如來藏一性無二如來準此滅生滅心二乘見自共相卽於同失準如來藏隨爲色空如來準此故種類俱空二乘取真證滅故於異失準也當以止法澄令清瑩故曰清水現前名爲初伏客塵煩惱又問六根功德之數曰天台智者釋法華經六根功德說法之數未明者以未見三疊流變一十百千之旨耳夫以衆生世界三四四三宛轉流變成十二矣第一疊也於此十二之上各增十二爲百二十矣第二疊也於此百二十之上各又增十二爲千二

百矣第三疊也然眼見前傍後方全暗鼻出入息
闕於中交身合能覺離中不知皆三分闕一所以
唯八百功德而已當以觀法審觀則如去泥純水
故曰名爲永斷根本無明法華經曰以是功德莊
嚴六根皆令清淨是善男子善女人父母所生清
淨肉眼見於三千大千世界至於耳根又曰父母
所生清淨常耳皆悉聞知如是分別種種音聲而
不壞耳根以眼耳例諸根皆然則知入是觀法獲
六根清淨也無所疑矣補曰言眼鼻身之功德
各止八百者皆三分缺一故也缺一則同數變有

異故眼以四三爲揲鼻身以三四爲揲如左右傍
觀三分之二者數之畧也雖各本具二百以左窺
右則左益五十以右窺左則右益五十故各得二
百五十資中曰一方三百旁觀二百又得兩分之
餘共成五百并前三百總成八百者是矣身鼻之
數按文自見然圓通之門合於此下顯發而阿難
旣以逆流結解爲問故世尊具答之後方冥授其
旨也

阿難白佛言世尊云何逆流深入一門能令六根一
時清淨佛告阿難汝今已得須陀洹果已滅三界衆

生世間見所斷惑然猶未知根中積生無始虛習彼
習要因修所斷得何況此中生住異滅分劑頭數
補曰初果雖斷分別麤惑尚餘俱生細惑未斷此
惑未斷何能證苦邊際知生住異滅限劑之頭數
乎能證苦邊際至無學地不但知一有情生住異
滅限劑頭數復於三千大千界內有情無情念念
遷變微細行相悉亦知之然生住異滅之義釋者
多端其實卽生老病歿也

今汝且觀現前六根爲一爲六阿難若言一者耳何
不見目何不聞頭奚不履足奚不語若此六根決定
成六如我今會與汝宣揚微妙法門汝之六根誰來
領受阿難言我用耳聞佛言汝耳自聞何關身口口
來問義身起欽承是故應知非一終六非六終一終
不汝根元一元六阿難當知是根非一非六由無始
來顛倒淪替故於圓湛一六義生汝須陀洹雖得六
銷猶未亡一如太虛空參合羣器由器形異名之異
空除器觀空說空爲一彼太虛空云何爲汝成同不
同何況更名是一非一則汝了知六受用根亦復如
是由明暗等二種相形於妙圓中黏湛發見見精映
色結色成根根元目爲清淨四大因名眼體如蒲萄

采浮根四塵流逸奔色由動靜等二種相擊於妙圓
中黏湛發聽聽精映聲卷聲成根根元目為清淨四
大因名耳體如新卷葉浮根四塵流逸奔聲由通塞
等二種相發於妙圓中黏湛發嗅嗅精映香納香成
根根元目為清淨四大因名鼻體如雙垂爪浮根四
塵流逸奔香由恬變等二種相參於妙圓中黏湛發
嘗嘗精映味絞味成根根元目為清淨四大因名舌
體如初偃月浮根四塵流逸奔味由離合等二種相
摩於妙圓中黏湛發覺覺精映觸搏觸成根根元目
為清淨四大因名身體如腰鼓顙浮根四塵流逸奔

由生滅等二種相續於妙圓中黏湛發知知精映
法覺法成根根元目為清淨四大因名意思如幽室
見浮根四塵流逸奔法阿難如是六根由彼覺明有
明明覺失彼精了黏妄發光是以汝今離暗離明無
有見體離動離靜元無聽質無通無塞嗅性不生非
變非恬嘗無所出不離不合覺觸本無無滅無生了
知安寄汝但不循動靜合離恬變通塞生滅明暗如
是十二諸有為相隨拔一根脫黏內伏伏歸元真發
本明耀耀性發明諸餘五黏應拔圓脫不由前塵所
起知見明不循根寄根明發由是六根互相為用阿

難汝豈不知今此會中阿那律陀無目而見跋難陀
龍無耳而聽兢伽神女非鼻聞香驕梵鉢提異舌知
味舜若多神無身覺觸如來光中映令暫現既爲風
質其體元無諸滅盡定得寂聲聞如此會中摩訶迦
葉久滅意根圓明了知不因心念阿難今汝諸根若
圓拔已內瑩發光如是浮塵及器世間諸變化相如
湯銷冰應念化成無上知覺阿難如彼世人聚見於
眼若令急合暗相現前六根黯然頭足相類彼人以
手循體外繞彼雖不見頭足一辯知覺是同緣見因
明暗成無見不明自發則諸暗相不能昏根塵既

銷云何覺明不成圓妙

論曰凡夫具十使煩惱謂身見邊見邪見禁取戒
取者五利使也貪瞋癡慢疑者五鈍使也小乘謂
之十種惑業如身見邊見邪見禁取戒取疑是見
所斷惑餘皆是修所斷惑也龍勝曰清淨者空也
不曰空而曰清淨者佛知衆生畏空故遮言清淨
今言根元曰爲清淨四大者根元空也根元本空
則浮根而動者名爲四塵然非此四塵不能以成
六根故成眼之象如蒲萄朶成耳之象如新卷葉
成鼻之象如雙垂爪成舌之象如初偃月成身之

象如腰鼓類成意思如幽室見幽室見安得有浮
根四塵而曰流逸奔法乎曰世尊適今所喻曰晦
昧爲空空晦昧中結暗爲色然則暗色者幽室是
也以此暗色與妄想雜故曰幽室見唯其暗而見
故動搖動搖塵也故曰聚緣內搖自是觀之暗中
之見能動搖則非塵而何耶以其有暗可見故曰
浮根以其動搖故曰塵也然此聚緣之暗相有煖
濕等本質而不可收攬故曰四塵如五種色中受
所引色無形而受憶持者也如鳩摩羅什日記三
萬二千言則必有其地何以明之如胃無形而華

陀治廣陵胃有虫虫出而病愈既曰無形至何所
潛乎以是觀之意如幽室見而其四塵流逸奔法
何疑哉阿那律陀此云無滅正云阿泥樓豆又云
阿菟樓駄此云如意又云無貧初以失明修禪獲
天眼通無目而通天眼故曰無目而見跋難陀此
云賢喜又曰善喜正曰歡喜常護佑摩伽陀國雨
暘以時國無饑年瓶沙王歲設大會以答其惠民
皆歡喜因而得名凡龍皆無耳而聾於文從龍從
耳非止跋難陀河中之龍無耳適指以示其事也
跋伽此云天堂來蓋主此河神之女也無鼻而知

香故曰非鼻而嗅、騎梵鉢提、此云牛相人而牛形也。牛傍生其明了意識、唯知草味、而騎梵鉢提以牛舌能了別人所食之味、故曰異舌知味、若多此云空神、又云風性無色、界天之類也。迦葉此云大飲光、得滅盡定、故曰不由心念世尊於此、欲示六根用中相知、故指其人以為證也。然此方非耳目所接、則當以異類驗、如蛇以眼聽、不必疑跋難陀龍也、如蛟無目而能行、水母得鰓乃能行、不必疑阿那律也、如螻蛄以身為鼻、不必疑菟伽神女也、如蟬以腋為舌、不必疑騎梵鉢提也、如風無形

物拒之、則怒號、不必疑舜若多神也。嗚呼、衆生爭於口耳眼鼻數寸之間、自以色聲香味為異、可悲憫者、豈不哀哉耶。補曰、寂音謂什師所記必有其地者、蓋指肉團心為慮知之所託、如正法念經蓮華開合是也。豈止記三萬二千言哉。曰根元曰浮根者、乃自勝義根、發起浮塵根也。故於根元則以清淨言之、於浮根則以流逸言之、然其所敘六根體象、文意甚著、近有以腰鼓頰況女根者、陋矣。夫自肩至臍為身、餘則肢首而已。肩臍大而中細、得非腰鼓頰耶。若謂女根為身之象、是乃九竅之

一若謂腰鼓類喻水火二竅則律琯亦應似之果如其說則止可言女根之象非身之象何名身體如腰鼓類以此言之則本意特喻於形相也上卷破根塵等如曰爲取肉形雙爪之相爲取鯁知動搖之性是知如來以肉形之鼻比方雙爪之相則身體喻腰鼓類復奚疑四塵者則色香味觸所造四塵也或問舊疏嘗以覺明爲真明何如曰非也乃妄能之明耳有明明覺演上妄能之體俱爲妄也由此失真了之妙明故於妄則言由彼於真則言失彼又暗成無見者破緣見因明也不明自發

者破暗成無見也見旣因明而有則於暗時此見成無矣不明自發則是暗相現前乃成見暗不成無見矣旣成見暗則此見精暗何能昏故根塵旣消則覺明亦成圓妙

阿難白佛言世尊如佛說言因地覺心欲求常住要與果位名目相應世尊如果位中菩提涅槃真如佛性菴摩羅識空如來藏大圓鏡智是七種名稱謂雖別清淨圓滿體性堅凝如金剛王常住不壞若此見聽離於明暗動靜通塞畢竟無體猶如念心離於前塵本無所有云何將此畢竟斷滅以爲修因欲獲如

來七常住果世尊若離明暗見畢竟空如無前塵念
自性滅進退循環微細推求本無我心及我心所將
誰立因求無上覺如來先說湛精圓常違越誠言終
成戲論云何如來真實語者唯垂大慈開我蒙吝佛
告阿難汝學多聞未盡諸漏心中徒知顛倒所因真
倒現前實未能識恐汝誠心猶未信伏吾今試將塵
俗諸事當除汝疑卽時如來敕羅睺羅擊鐘一聲問
阿難言汝今聞不阿難大衆俱言我聞鐘歇無聲佛
又問言汝今聞不阿難大衆俱言不聞時羅睺羅又
擊一聲佛又問言汝今聞不阿難大衆又言俱聞佛

問阿難汝云何聞云何不聞阿難大衆俱白佛言鐘
聲若擊則我得聞擊久聲銷音響雙絕則名無聞如
來又敕羅睺羅擊鐘問阿難言爾今聲不阿難大衆俱
言有聲少選聲銷佛又問言爾今聲不阿難大衆答
言無聲有頃羅睺羅更來撞鐘佛又問言爾今聲不阿
難大衆俱言有聲佛問阿難汝云何聲云何無聲阿
難大衆俱白佛言鐘聲若擊則名有聲擊久聲銷音
響雙絕則名無聲佛語阿難及諸大衆汝今云何自
語矯亂大衆阿難俱時問佛我今云何名爲矯亂佛
言我問汝聞汝則言聞又問汝聲汝則言聲唯聞與

聲報答無定如是云何不名矯亂阿難聲銷無響汝
說無聞若實無聞聞性已滅同于枯木鐘聲更擊汝
云何知知有知無自是聲塵或無或有豈彼聞性爲
汝有無聞實云無誰知無者是故阿難聲於聞中自
有生滅非爲汝聞聲生聲滅令汝聞性爲有爲無汝
尚顛倒惑聲爲聞何怪昏迷以常爲斷終不應言離
諸動靜閉塞開通說聞無性如重睡人眠熟牀枕其
家有人於彼睡時擣練舂米其人夢中聞舂擣聲別
作他物或爲擊鼓或爲撞鐘卽於夢時自怪其鐘爲
木石響於時忽寤通知杵音自告家人我正夢時惑

此春音將爲鼓響阿難是人夢中豈憶靜搖開閉通
塞其形雖寐聞性不昏縱汝形銷命光遷謝此性云
何爲汝消滅以諸衆生從無始來循諸色聲逐念流
轉曾不開悟性淨妙常不循所常逐諸生滅由是生
生雜染流轉若棄生滅守於真常常光現前塵根識
心應時銷落想相爲塵識情爲垢二俱遠離則汝法
眼應時清明云何不成無上知覺

論曰所言緣見因明暗成無見不明自發則諸暗
相永不能昏者見因明而有則必因暗而無也今
不因明而自發者了知暗相則此見精旣不因明

而自發矣、而暗相亦安能昏之耶、阿難解此意而
疑以爲斷滅法、於是令擊鐘以酬之、使知其實不
滅耳、世尊於前文云、若於因地、以生滅心爲本修
因而求佛乘、不生不滅、無有是處、故曰、如果位中
菩提涅槃、真如佛性、菴摩羅識、空如來藏、大圓鏡
智、是七種名稱、謂雖別清淨圓滿、體性堅凝、如金
剛王常住不壞、菴摩羅識、此云無垢、空如來藏、寶積
經曰、空如來藏、離於不解脫智、一切煩惱、不空如
來藏、具過恒沙佛解脫智、不可思議法、不空如來
藏、隨爲色空、普應一切、而空如來藏、爲常住果、大

圓鏡智、明見一切、而無分別、菴摩羅識、分別一切
而無染著、楞伽經曰、分別是識、無分別是智、生滅
是識、不生滅是智、此以無生滅、故名大圓鏡智、以
有分別、故名菴摩羅識、以其常住、故名空如來藏、
以其了了靈知、故名佛性、了了靈知、則究竟覺、故
名菩提、菩提、此云覺也、究竟覺體、本自寂滅、故名
涅槃、涅槃、此云寂滅、寂滅、則一切妄心、所不能觸、
故名真如、以要言之、則究竟覺體、寂滅一切妄心、
所不能觸、了了靈知者也、此靈知、無生滅、有分別
而無染著、故世尊重丁寧之曰、汝但棄其生滅、守

於真常嗚呼世尊親切明誨無密於此語者孰能知恩哉

大佛頂如來密因修證了義諸菩薩萬行首楞嚴經合論卷第四

音切

納而銳切 姬音基 悽音妻 慟徒弄切 磁音慈 姻音因 躡尼輒切 渾音胡

烝征音 渾但音 鎔音容 踪音竈 竄取亂切 遘居候切 邏郎佐切 仇

瘞依據切 適音的 刺音辣 頰音過 炮匹兒切 揜音掩 鳴古暗切 餉

殖音夕 垣音表 腎一計切 霾音埋 羸初限切 闕音捷 翅施智切 關

毘亦音母 腓音肥 脢音梅 肆音偉 寤音悟 藉慈夜切 蔡音棄 噬

噓音胡 膈音膈 窪音蛙 汨音密 貿音茂 頰音蘇 殫音丹 鑛音古 嶺

孿音普 醇音敦 醜音如 媿音匹 揲音舌 苑音其 黯音乙 漑

矯音徼 遄音傳

... 如來... 世尊... 密因... 修證... 了義... 諸菩薩... 萬行... 首楞嚴經... 合論卷第四... 音切... 納... 姬... 悽... 慟... 磁... 姻... 躡... 渾... 烝... 渾... 鎔... 踪... 竄... 遘... 邏... 仇... 瘞... 適... 刺... 頰... 炮... 揜... 鳴... 餉... 殖... 垣... 腎... 霾... 羸... 闕... 翅... 關... 毘亦... 腓... 脢... 肆... 寤... 藉... 蔡... 噬... 噓... 膈... 窪... 汨... 貿... 頰... 殫... 鑛... 嶺... 孿... 醇... 醜... 媿... 揲... 苑... 黯... 漑... 矯... 遄...

世尊 音世 尊音尊
 阿難 音阿 難音難
 白佛 音白 佛音佛
 言世 音言 世音世
 尊如 音尊 如音如
 來雖 音來 雖音雖
 說第 音說 第音第
 二義 音二 義音義
 門今 音門 今音今
 觀世 音觀 世音世
 間解 音間 解音解
 結之 音結 之音之
 人若 音人 若音若
 不知 音不 知音知
 其所 音其 所音所
 結之 音結 之音之
 元我 音元 我音我
 信是 音信 是音是
 人終 音人 終音終
 不能 音不 能音能
 解世 音解 世音世
 尊我 音尊 我音我
 及會 音及 會音會
 中有 音中 有音有
 學聲 音學 聲音聲
 聞亦 音聞 亦音亦
 復如 音復 如音如
 是從 音從 無音無
 始際 音始 際音際
 與諸 音與 諸音諸
 無明 音無 明音明
 俱滅 音俱 滅音滅
 俱生 音俱 生音生
 雖得 音雖 得音得
 如是 音如 是音是
 多聞 音多 聞音聞
 善根 音善 根音根
 名為 音名 為音為
 出家 音出 家音家
 猶隔 音猶 隔音隔
 日瘡 音日 瘡音瘡
 惟願 音惟 願音願
 大慈 音大 慈音慈
 哀愍 音哀 愍音愍
 淪溺 音淪 溺音溺
 今日 音今 日音日
 身心 音心 身音身
 云何 音云 何音何
 是結 音是 結音結
 從何 音從 何音何
 名解 音名 解音解
 亦令 音亦 令音令
 未來 音未 來音來
 苦難 音苦 難音難
 衆生 音衆 生音生
 得免 音得 免音免
 輪迴 音輪 迴音迴
 不落 音不 落音落
 三有 音三 有音有
 作是 音作 是音是
 語已 音語 已音已
 普及 音普 及音及
 大衆 音大 衆音衆
 五體 音五 體音體
 投地 音投 地音地
 雨淚 音雨 淚音淚
 翹誠 音翹 誠音誠
 佇佛 音佇 佛音佛
 如來 音如 來音來
 無上 音無 上音上
 開示 音開 示音示
 爾時 音爾 時音時
 世尊 音世 尊音尊
 憐愍 音憐 愍音愍
 阿難 音阿 難音難
 及諸 音及 諸音諸
 會中 音會 中音中
 諸有 音諸 有音有
 學者 音學 者音者
 亦為 音亦 為音為
 未

大佛頂如來密因修證了義諸菩薩萬行首楞嚴經
 合論卷第五

阿難白佛言世尊如來雖說第二義門今觀世間解
 結之人若不知其所結之元我信是人終不能解世
 尊我及會中有學聲聞亦復如是從無始際與諸無
 明俱滅俱生雖得如是多聞善根名為出家猶隔日
 瘡惟願大慈哀愍淪溺今日身心云何是結從何名
 解亦令未來苦難衆生得免輪迴不落三有作是語
 已普及大衆五體投地雨淚翹誠佇佛如來無上開
 示爾時世尊憐愍阿難及諸會中諸有學者亦為未

來一切衆生爲出世因作將來眼以閻浮檀紫金光
手摩阿難頂卽時十方普佛世界六種震動微塵如
來住世界者各有寶光從其頂出其光同時於彼世
界來祇陀林灌如來頂是諸大衆得未曾有於是阿
難及諸大衆俱聞十方微塵如來異口同音告阿難
言善哉阿難汝欲識知俱生無明使汝輪轉生歿結
根唯汝六根更無他物汝復欲知無上菩提令汝速
證安樂解脫寂靜妙常亦汝六根更非他物阿難雖
聞如是法音心猶未明稽首白佛云何令我生死輪
迴安樂妙常同是六根更非他物佛告阿難根塵同
源縛脫無二識性虛妄猶如空華阿難由塵發知因
根有相相見無性同於交蘆

補曰淨覺曰有以根境識釋此交蘆喻者非也而
不知經語巧妙從寬至狹上攝界義故三此攝處
義故二下文又畧其境單言其根故曰知見立知
等愚曰根與境偶理未有不相該者圓覺曰此虛
妄心若無六塵則不能有言虛妄心者得非分別
事識乎况上文明示之曰根塵同源縛脫無二識
性虛妄猶如空華又曰由塵發知因根有相相見
無性得非具明根境識三乎胡爲特以巧妙自取

以寬狹自軌耶

是故汝今知見立知卽無明本知見無見斯卽涅槃
無漏真淨云何是中更容他物爾時世尊欲重宣此
義而說偈言

真性有爲空緣生故如幻無爲無起滅不實如空華
言妄顯諸真妄真同二妄猶非真非真云何見所見
中間無實性是故若交蘆結解同所因聖凡無二路
汝觀交中性空有二俱非迷晦卽無明發明便解脫
解結因次第六解一亦亡根選擇圓通入流成正覺
論曰世尊於是示六根無明俱生解結之因耳又

曰微塵如來住世界者各有寶光從其頂出其光
同時於彼世界來祇陀林灌如來頂何也曰欲深
談頂法令一切衆生明見佛性故以頂法無見故
託阿難專以辨析見根至緣見因明暗成無見不
明自發則諸暗相永不能昏處真見露現妄見頓
棄故曰知見立知卽無明本知見無見斯卽涅槃
無漏真淨云何是中更容他物則無見之効著矣
然世尊授法者也故所示以從見根爲先阿難受
法者也故以聞中悟解爲先師弟子以見聞爲授
受之訣則餘諸根可不言而知矣偈首標曰真性

者知示頂法之宗也其下乃曰有爲空以對無爲
無起滅者蓋有無二法對待而成並爲增語夫以
有無爲增語則真之一字豈亦顯妄而立乎但形
言彩卽是染汗離諸染汗則一切無所有寧存見
哉故曰猶非真非真云何見所見今日能見者爲
眼眼非有見也龍勝曰是眼則不能自見其已體
已體尚不見云何見餘物眼如有見當先自見其
眼今不能自見而曰能見一切物無是理也然根
境識三者妄想假借而有畢竟無實如夢如幻世
尊以交蘆喻之以其非有非無故曰汝觀交中性

空有二俱非迷晦爲有悟明爲無豈決定義哉入
流者溝港道勢必至海以喻小乘方知預聖人之
地也其去小乘如天淵豈有小乘便成正覺哉曰
此一佛乘旨決也下文曰彈指超無學者謂是故
也譬如帝王王子初生卽具足尊貴不屬階品也
陀那微細識習氣成暴流真非真恐迷我常不開演
自心取自心非幻成幻法不取無非幻非幻尚不生
幻法云何立是名妙蓮華金剛王寶覺如幻三摩提
彈指超無學此阿毘達磨十方薄伽梵一路涅槃門

於是阿難及諸大眾聞佛如來無上慈誨祇夜伽陀
雜糅精瑩妙理清徹心目開明歎未曾有

論曰楞伽經世尊說二種識謂麤識分別事識是
已謂細識阿賴耶識是已今言陀那識卽菴摩羅
識具云阿陀那此云執持種子三位之中相續執
持位也以爲真則全體汙染以爲妄則如來藏無
別體馬鳴曰依如來藏有生滅心轉不生滅與和
合非一非異名阿賴耶此微細識也解深密經曰
阿陀那識甚微細一切種子如暴流我於凡愚不
開演恐彼妄情執爲我然諸法唯識所變則自心

取自心也以有取故成諸幻法若常居圓明現量
之中則其不染如蓮莖皆空如金剛王金剛王空
法也馬鳴曰凡所分別皆分別自心心不見心無
相可得阿毘達磨此云無比法薄伽梵此云德成
就具六種義謂自在熾盛端嚴名稱吉祥尊貴也
涅槃經曰因本經以偈頌名祇夜餘有說四句偈
名伽陀此因本經說偈名祇夜伽陀也 補曰祇
夜此云應頌又曰重頌頌上長行也伽陀此云諷
頌又曰偈不因長行但諷美而頌之二頌合明故
曰雜糅

阿難合掌頂禮白佛我今聞佛無遮大悲性淨妙常
真實法句心猶未達六解一亡舒結倫次唯墜大慈
再愍斯會及與將來施以法音洗滌沈垢即時如來
於師子座整涅槃僧鉢僧伽梨攬七寶几引手於几
取劫波羅天所奉華巾於大眾前縮成一結示阿難
言此名何等阿難大眾俱白佛言此名爲結於是如
來縮疊華巾又成一結重問阿難此名何等阿難大
眾又白佛言此亦名結如是倫次縮疊華巾總成六
結一一結成皆取手中所成之結持問阿難此名何
等阿難大眾亦復如是次第酬佛此名爲結佛告阿

難我初縮巾汝名爲結此疊華巾先實一條第一第
三云何汝曹復名爲結阿難白佛言世尊此寶疊華
緝績成巾雖本一體如我思惟如來一縮得一結名
若百縮成終名百結何況此巾祇有六結終不至七
亦不停五云何如來祇許初時第二第三不名爲結
佛告阿難此寶華巾汝知此巾元止一條我六縮時
名有六結汝審觀察巾體是同因結有異於意云何
初縮結成名爲第一如是乃至第六結生吾今欲將
第六結名成第一不不也世尊六結若存斯第六名
終非第一縱我歷生盡其明辯如何令是六結亂名

佛言如是六結不同循顧本因一巾所造令其雜亂終不得成則汝六根亦復如是畢竟同中生畢竟異佛告阿難汝必憊此六結不成願樂一成復云何得阿難言此結若存是非鋒起於中自生此結非彼彼結非此如來今日若總解除結若不生則無彼此尚不名一六云何成佛言六解一亡亦復如是由汝無始心性狂亂知見妄發發妄不息勞見發塵如勞目睛則有狂華於湛精明無因亂起一切世間山河大地生歿涅槃皆即狂勞顛倒華相阿難言此勞同結云何解除如來以手將所結巾偏掣其左問阿難言

如是解不不也世尊旋復以手偏牽右邊又問阿難如是解不不也世尊佛告阿難吾今以手左右各牽竟不能解汝設方便云何解成阿難白佛言世尊當於結心解即今散佛告阿難如是如是若欲除結當於結心阿難我說佛法從因緣生非取世間和合麤相如來發明世出世法知其本因隨所緣出如是乃至恒沙界外一滴之雨亦知頭數現前種種松直棘曲鵠白鳥玄皆了元由是故阿難隨汝心中選擇六根根結若除塵相自滅諸妄消亡不真何待阿難吾今問汝此劫波羅巾六結現前同時解縈得同除不

不也世尊是結本以次第縮生今日當須次第而解
六結同體結不同時則結解時云何同除佛言六根
解除亦復如是此根初解先得人空空性圓明成法
解脫解脫法已俱空不生是名菩薩從三摩地得無
生忍

論曰涅槃僧此云裏衣所著裙也僧伽梨此云大
衣二十五條也劫波羅此云時分夜摩天也所言
此根初解先得人空者人空離徧計執也六結因
縮而成於一結之心解之則知餘結皆非決定是
結例今六結分別知分別無性一切皆空則不必

揉合異同坦夷聲色也又言空性圓明成法解脫
者法空也離依他執以徧計已盡猶有法執故當
達法本空例六根異用元一精明故曰解脫法已
俱空不生是名菩薩從三摩地得無生忍忍者不
動義不曰不動而曰忍者以有妙力總持之使不
動故阿難偈曰妙湛總持不動尊者無生忍之異
稱耳法華經曰一切衆生喜見菩薩曰我雖以神
力供養於佛不如以身供養卽服諸香栴檀薰陸
兜樓婆畢力迦沈水膠香又飲薝蔔諸華香油滿
千二百歲已香油塗身於日月淨明德佛前以天

寶衣而自纏身灌諸香油以神通力願而自然身
光明徧照八十億恒河沙世界其中諸佛同時讚
言善哉善哉善男子是真精進是名真法供養如
來乃至作是語已而各默然其身火然千二百歲
過是已後其身乃盡者此根初解同意也又曰一
切衆生喜見菩薩作是法供養已命終之後復生
日月淨明德佛國中於淨德王家結跏趺坐忽然
化生卽爲其父而說偈乃至白佛言世尊世尊猶
故在世爾時日月淨明德佛告一切衆生喜見菩
薩言善男子我涅槃時到滅盡時至汝可安施牀
座我於今夜當般涅槃而此菩薩又作是念更當
供養舍利卽於八萬四千塔前然百福莊嚴臂七
萬二千歲而以供養者成法解脫亦同意也蓋身
旣空法執亦盡六解一亡之旨也

阿難及諸大衆蒙佛開示慧覺圓通得無疑惑一時
合掌頂禮雙足而白佛言我等今日身心皎然快得
無礙雖復悟知一六亡義然猶未達圓通本根世尊
我輩飄零積劫孤露何心何慮預佛天倫如失乳兒
忽遇慈母若復因此際會道成所得密言還同本悟
則與未聞無有差別唯垂大悲惠我秘嚴成就如來

最後開示作是語已五體投地退藏密機冀佛冥授
補曰阿難與諸大衆雖悟知一六亡義猶未達圓
通本根感歎孤露且曰若復因此際會成道爲幸
至矣其奈所得密言還同本所悟法則與未聞有
何差別然此本根非如來大悲以秘密妙嚴究竟
開示其孰能心傳默契如此故退藏密機不正陳
所問唯冀佛冥授而已諸師與無盡不詳退藏二
句皆是結集者之言非滿慈之語故多橫議

爾時世尊普告衆中諸大菩薩及諸漏盡大阿羅漢
汝等菩薩及阿羅漢生我法中得成無學吾今問汝

最初發心悟十八界誰爲圓通從何方便入三摩地
論曰棗栢曰凡有聖說無人證者不名流通但有
凡夫說教無人證者亦不名流通故雜華說十信
十住十行十迴向十地十一地乃至妙覺五十三
位而以五十三善知識證成之此經於六入十二
處十八界七大性之法極談根境無生而以二十
五聖人入圓通以證成之所以示修行之等式如
此

憍陳那五比丘卽從座起頂禮佛足而白佛言我在
鹿苑及於鷄園觀見如來最初成道於佛音聲悟明

四諦佛問比丘我初稱解如來印我名阿若多妙音
密圓我於音聲得阿羅漢佛問圓通如我所證音聲
爲上優波尼沙陀卽從座起頂禮佛足而白佛言我
亦觀佛最初成道觀不淨相生大猷離悟諸色性以
從不淨白骨微塵歸於虛空空色二無成無學道如
來印我名尼沙陀塵色旣盡妙色密圓我從色相得
阿羅漢佛問圓通如我所證色因爲上香嚴童子卽
從座起頂禮佛足而白佛言我聞如來教我諦觀諸
有爲相我時辭佛宴晦清齋見諸比丘燒沈水香香
氣寂然來入鼻中我觀此氣非木非空非烟非火去

無所著來無所從由是意銷發明無漏如來印我得
香嚴號塵氣倏滅妙香密圓我從香嚴得阿羅漢佛
問圓通如我所證香嚴爲上藥王藥上二法王子并
在會中五百梵天卽從座起頂禮佛足而白佛言我
無始劫爲世良醫口中嘗此娑婆世界草木金石名
數凡有十萬八千如是悉知苦酢鹹淡甘辛等味并
諸和合俱生變異是冷是熱有毒無毒悉能徧知承
事如來了知味性非空非有非卽身心非離身心分
別味因從是開悟蒙佛如來印我昆季藥王藥上二
菩薩名今於會中爲法王子因味覺明位登菩薩佛

問圓通如我所證味因為上跋陀婆羅并其同伴十
六開士即從座起頂禮佛足而白佛言我等先於威
音王佛聞法出家於浴僧時隨例入室忽悟水因既
不洗塵亦不洗體中間安然得無所有宿習無忘乃
至今時從佛出家令得無學彼佛名我跋陀婆羅妙
觸宣明成佛子住佛問圓通如我所證觸因為上摩
訶迦葉及紫金光比丘尼等即從座起頂禮佛足而
白佛言我於往劫於此界中有佛出世名日月燈我
得親近聞法修學佛滅度後供養舍利然燈續明以
紫金光塗佛形像自爾已來世世生生身常圓滿紫

金光聚此紫金光比丘尼等即我眷屬同時發心我
觀世間六塵變壞唯以空寂修於滅盡身心乃能度
百千劫猶如彈指我以空法成阿羅漢世尊說我頭
陀為最妙法開明銷滅諸漏佛問圓通如我所證法
因為上

論曰憍陳那也姓此云火器阿若多也名此云解尼沙

陀義見第一卷跋陀婆羅此云賢護正云賢守頭陀此

云除棄文云抖擻是六聖者依色聲香味觸法六
塵而證圓通者也而首標憍陳那憍陳那從聲而
得解者也補曰於聲於色於香則曰密圓敘密

證圓理也於味於觸於法則曰覺明日宣明日開
明敘顯發入因也密圓之義約所證而言大小由
之不必以權實較也鷄園卽精舍也

阿那律陀卽從座起頂禮佛足而白佛言我初出家
常樂睡眠如來訶我爲畜生類我聞佛訶啼泣自責
七日不眠失其雙目世尊示我樂見照明金剛三昧
我不因眼觀見十方精真洞然如觀掌果如來印我
成阿羅漢佛問圓通如我所證旋見循元斯爲第一
周利槃特迦卽從座起頂禮佛足而白佛言我闕誦
持無多聞性最初值佛聞法出家憶持如來一句伽

陀於一百日得前遺後得後遺前佛愍我愚教我安
居調出入息我時觀息微細窮盡生住異滅諸行剎
那其心豁然得大無礙乃至漏盡成阿羅漢住佛座
下印成無學佛問圓通如我所證返息循空斯爲第

一
補曰無盡曰阿含大論皆云教我守口攝意增一
法句經亦不云調息因改息作思又曰二十五門
闕思而刺鼻今減息入思觀門具足矣如不知調
息是守口攝意之大本息調意攝自然忘思況於
十八界中入思則闕息減息則剩思矣

憍梵鉢提卽從座起頂禮佛足而白佛言我有口業
於過去劫輕弄沙門世生有牛伺病如來示我
一味清淨心地法門我得滅心入三摩地觀味之知
非體非物應念得超世間諸漏內脫身心外遺世界
遠離三有如鳥出籠離垢銷塵法眼清淨成阿羅漢
如來親印登無學道佛問圓通如我所證還味旋知
斯爲第一

補曰此聖者既有牛伺之疾又其相如牛牛旁生
唯知草味而已今鉢提舌相雖如牛而能了別衆
味故如來示以一味清淨心地法門令於舌本觀

味旋知自爾緣慮心滅入於正定反觀舌味之知
非覺非物則精真現前如是世間諸漏應念超越
得意生身如鳥出籠飛騰自在大論云如來教觀
舌根嘗味入道當得心地一味法門則知此經所
敘緣因有所畧也前文云異舌知味後偈云舌非
入無端因味生覺了與大論義同

畢陵伽婆蹉卽從座起頂禮佛足而白佛言我初發
心從佛入道數聞如來說諸世間不可樂事乞食城
中心思法門不覺路中毒刺傷足舉身疼痛我念有
知知此深痛雖覺覺痛覺清淨心無痛痛覺我又思

惟如是一身寧有雙覺攝念未久身心忽空三七日
中諸漏虛盡成阿羅漢得親印記發明無學佛問圓
通如我所證純覺遺身斯為第一須菩提即從座起
頂禮佛足而白佛言我曠劫來心得無礙自憶受生
如恒河沙初在母胎即知空寂如是乃至十方成空
亦令衆生證得空性蒙如來發性覺真空空性圓明
得阿羅漢頓入如來寶明空海同佛知見印成無學
解脫性空我為無上佛問圓通如我所證諸相入非
非所非盡旋法歸無斯為第一

論曰阿那律陀或云阿尼婁豆又曰阿菟婁駄皆

翻無滅或云如意是佛堂弟白飯王之子也周利

槃特此云蛇奴或云繼道憍梵鉢提見第一卷畢陵伽

婆蹉此云除習須菩提見第一卷此敘見聞嗅味覺知

六根而但言五聖者不以觀世音所證聞性列于

此也補曰於見於嗅於味則曰旋曰反曰還其

義一也淨覺曰刺傷足時雖有能覺之心覺於所

痛之覺反觀覺心本自清淨無有能所審爾則合

於此下結文云身心忽空不應於無痛痛覺下方

曰寧有雙覺等句要知自舉身疼痛我念有知知

此深痛乃敘所覺也雖覺覺痛覺清淨心無痛痛

覺乃敎能覺也。初則唯知我所覺之深痛中，則於雖痛痛覺處，反究我之能覺清淨之心。初無有痛，故曰雙覺於所覺言覺痛於能覺言痛覺後，則攝念觀照曰：豈我一身有兩覺耶？尋於所覺之身能覺之心，倏爾俱泯。故曰身心忽空，身心既空，則純覺之性現前，所知之身遺忘矣。淨覺又以覺清淨心爲純覺，無痛痛覺爲遺身，益其誤矣。自餘聖者之文例如此。

舍利弗卽從座起，頂禮佛足。而白佛言：我曠劫來，心見清淨，如是受生如恒河沙。世出世間種種變化，一見則通，獲無障礙。我於路中逢迦葉波兄弟相逐，宣說因緣，悟心無際。從佛出家，見覺明圓，得大無畏。成阿羅漢，爲佛長子。從佛口生，從法化生。佛問圓通，如我所證，心見發光，光極知見，斯爲第一。普賢菩薩卽從座起，頂禮佛足。而白佛言：我已曾與恒沙如來爲法王子，十方如來敎其弟子菩薩根者，修普賢行。從我立名世尊，我用心聞分別衆生所有知見，若於他方恒沙界外，有一衆生心中發明普賢行者，我於爾時乘六牙象，分身百千，皆至其處，縱彼障深，未得見我。我與其人暗中摩頂擁護，安慰令其成就。佛問圓

通我說本因心聞發明分別自在斯爲第一孫陀羅
難陀卽從座起頂禮佛足而白佛言我初出家從佛
入道雖具戒律於三摩地心常散動未獲無漏世尊
教我及俱絺羅觀鼻端白我初諦觀經三七日見鼻
中氣出入如烟身心內明圓洞世界徧成虛淨猶如
琉璃煙相漸消鼻息成白心開漏盡諸出入息化爲
光明照十方界得阿羅漢世尊記我當得菩提佛問
圓通我以消息息久發明明圓滅漏斯爲第一富樓
那彌多羅尼子卽從座起頂禮佛足而白佛言我曠
劫來辯才無礙宣說苦空深達實相如是乃至恒沙

如來秘密法門我於衆中微妙開示得無所畏世尊
知我有大辯才以音聲輪教我發揚我於佛前助佛
轉輪因師子吼成阿羅漢世尊印我說法無上佛問
圓通我以法音降伏魔怨消滅諸漏斯爲第一優波
離卽從座起頂禮佛足而白佛言我親隨佛踰城出
家親觀如來六年勤苦親見如來降伏諸魔制諸外
道解脫世間貪欲諸漏承佛教戒如是乃至三千威
儀八萬微細性業遮業悉皆清淨身心寂滅成阿羅
漢我是如來衆中綱紀親印我心持戒修身衆推無
上佛問圓通我以執身身得自在次第執心心得通

達然後身心一切通利。斯爲第一大目。捷連卽從座起。頂禮佛足。而白佛言。我初於路乞食。逢遇優樓頻螺伽耶那提三迦葉波。宣說如來因緣深義。我頓發心得大通達。如來惠我袈裟着身。鬚髮自落。我遊十方。得無罣礙。神通發明。推爲無上。成阿羅漢。寧唯世尊。十方如來歎我神力圓明清淨。自在無畏。佛問圓通。我以旋湛心光發宣。如澄濁流。久成清瑩。斯爲第一。論曰。此六聖者。依六識以證圓通。而於普賢曰。心聞洞十方。如前於六塵則先標聲。於六根則未標

聞於六識。則名普賢爲心聞。其示新學菩薩。欲其由聞中證悟之旨。深切著明也。審矣。普賢徧行。皆有大力。六根所現。分別無非理也。故乘六牙象。大目捷連曰。我以旋湛心光發宣。如澄濁流。久成清瑩。夫神通皆以念緣如維摩詰入三昧。亦先作念。然念是生滅。故神通有失獲。如外道悅女。卽失神通。菩薩以能飛空爲不姪。自非久積淨業。莫能獲之。圓覺經曰。如幻三摩提。如苗漸增長。故須久積。乃能瑩潔。僧寶誌初唯習定。定久忽獲神通。夫定習之久。非旋湛發光乎。補曰。殺盜姪妄性元是。

罪不待制止犯卽成業故曰性業餘因過始制
前犯卽無罪故曰遮業孫陀羅難陀者上三字是
其妻名此云好愛下二字是其已名此云歡喜佛
之親弟也爲混放牛難陀故因以其妻名加諸上
以自異此猶漢人有兩杜子夏其一自異以小冠
遂號小冠杜子夏之類優波離此云上首或云近
執伽耶山名亦云城名那提河名也

烏芻瑟摩於如來前合掌頂禮佛之雙足而白佛言
我常先憶久遠劫前性多貪欲有佛出世名曰空王
說多姪人成猛火聚教我徧觀百骸四支諸冷煖氣

神光內凝化多姪心成智慧火從是諸佛皆呼召我
名爲火頭我以火光三昧力故成阿羅漢心發大願
諸佛成道我爲力士親伏魔怨佛問圓通我以諦觀
身心煖觸無礙流通諸漏旣銷生大寶燄登無上覺
斯爲第一持地菩薩卽從座起頂禮佛足而白佛言
我念往昔普光如來出現於世我爲比丘常於一切
要路津口田地險隘有不如法妨損車馬我皆平填
或作橋梁或負沙土如是勤苦經無量佛出現於世
或有衆生於闐闐處要人擎物我先爲擎至其所詣
放物卽行不取其直毘舍浮佛現在世時世多饑荒

我爲負人無問遠近唯取一錢或有車牛被於泥溺
我有神力爲其推輪拔其苦惱時國大王延佛設齋
我於爾時平地待佛毘舍如來摩頂謂我當平心地
則世界地一切皆平我卽心開見身微塵與造世界
所有微塵等無差別微塵自性不相觸摩乃至刀兵
亦無所觸我於法性悟無生忍成阿羅漢迴心今入
菩薩位中聞諸如來宣妙蓮華佛知見地我先證明
而爲上首佛問圓通我以諦觀身界二塵等無差別
本如來藏虛妄發塵塵消智圓成無上道斯爲第一
論曰此諸聖者從十大性以證圓通而敘器界應

言地水火風空今烏芻瑟摩者此翻火頭表從火
證入者而進於持地菩薩之前何也曰此經以示
姪欲之臯使衆生痛治之故首列烏芻瑟摩以其
緣觀貪欲遂化多姪心爲智慧火問生大寶藏登
無上覺無上覺佛道也二十四聖者皆不能以證
豈此聖者獨以觀姪性無生便能登之乎曰然故
文殊說偈曰非初心方便問方其姪也則成大火
聚及其離也又成大寶藏何哉曰姪名熱惱一切
衆生皆爲所燒故彌勒菩薩曰男女展轉二二交
會不淨流出欲界諸天雖行姪欲無此不淨然於

根門有風氣出執惱便息四天王衆天二二交會
執惱便息如四天王衆天三十三天亦爾時分天
唯互相攝執惱便息知足天唯相執手執惱便息
化樂天相顧而笑執惱便息他化自在天以眼相
視執惱便息嗚呼諸天尚爾況人趣乎毘舍浮此
翻一切自在同尸棄佛出世在賢劫前也

月光童子卽從座起頂禮佛足而白佛言我憶往昔
恒河沙劫有佛出世名爲水天教諸菩薩修習水觀
入三摩地觀於身中水性無奪初從涕唾如是窮盡
津液精血大小便利身中旋復水性一同見水身中

與世界外浮幢王刹諸香水海等無差別我於是時
初成此觀但見其水未得無身當爲比丘室中安禪
我有弟子窺窻觀室唯見清水徧在室中了無所見
童稚無知取一瓦礫投於水內激水作聲顧盼而去
我出定後頓覺心痛如舍利弗遭違害鬼我自思惟
今我已得阿羅漢道久離病緣云何今日忽生心痛
將無退失爾時童子捷來我前說如上事我則告言
汝更見水可卽開門入此水中除去瓦礫童子奉教
後入定時還復見水瓦礫宛然開門除出我後出定
身質如初逢無量佛如是至於山海自在通王如來

方得亡身與十方界諸香水海性合真空無二無別
今於如來得童真名預菩薩會佛問圓通我以水性
一味流通得無生忍圓滿菩提斯爲第一琉璃光法
王子卽從座起頂禮佛足而白佛言我憶往昔經恒
沙劫有佛出世名無量聲開示菩薩本覺妙明觀此
世界及衆生身皆是妄緣風力所轉我於爾時觀界
安立觀世動時觀身動止觀心動念諸動無二等無
差別我時了覺此羣動性來無所從去無所至十方
微塵顛倒衆生同一虛妄如是乃至三千大千一世
界內所有衆生如一器內貯百蚊蚋啾啾亂鳴於分

寸中鼓發狂鬧逢佛未幾得無生忍爾時心開乃見
東方不動佛國爲法王子事十方佛身心發光洞徹
無礙佛問圓通我以觀察風力無依悟菩提心入三
摩地合十方佛傳一妙心斯爲第一虛空藏菩薩卽
從座起頂禮佛足而白佛言我與如來定光佛所得
無邊身爾時手執四大寶珠照明十方微塵佛刹化
成虛空又於自心現大圓鏡內放十種微妙寶光流
灌十方盡虛空際諸幢王刹來入鏡內涉入我身身
同虛空不相妨礙身能善入微塵國土廣行佛事得
大隨順此大神力由我諦觀四大無依妄想生滅虛

空無二佛國本同於同發明得無生忍佛問圓通我以觀察虛空無邊入三摩地妙力圓明斯爲第一論曰月光童子水觀旣成自見水相可也而曰弟子窺窻觀室唯見清水豈定有色容他人見乎曰初作假想但自心見定力轉勝果色亦勝故他人亦能見之所謂實定果色也舍利弗常人定恒河岸側違害鬼擊之出定覺頭痛佛曰汝無定力身當碎壞矣昔僧清辯嘗與外道論議外道堅執已見忽化爲石清辯猶書目於石上明日往視之亦有荅辭久之忽自破碎而吼聲於空中夫以執心

而爲石則定心獨不能成水乎所言東方動處而佛名不動於動處見不動者何以知之曰風實未嘗動也問曰今吹噓萬物者非風乎曰使風果動則自古至今未嘗止滅不復更動矣故維摩經曰文殊師利不來相而來不見相而見所可見者不可再見亦復如是補曰集解準雜華所宣華藏世界海中有諸香水海一一香水海爲諸佛刹世界種等語以釋此浮幢王刹不知月光敘昔水天如來所化之境非今佛化境也故白佛則曰我憶往昔恒河沙劫有佛出世名曰水天教諸菩薩修

習水觀入三摩地觀於身中水性無奪則與世界外浮幢王刹諸香水海等無差別以此訂之豈今佛之化境乎當為比丘者當及也月光於過去世未為僧時已成此觀及為僧後復安然入此觀矣如稠禪師入火光定其室燎然無以異定光即然燈佛也定本作錠我時了覺集解作我時覺了

彌勒菩薩即從座起頂禮佛足而白佛言我憶往昔經微塵劫有佛出世名日月燈明我從彼佛而得出家心重世名好遊族姓爾時世尊教我修習唯心識定入三摩地歷劫已來以此三昧事恒沙佛求世名

心歇滅無有至然燈佛出現於世我乃得成無上妙圓識心三昧乃至盡空如來國土淨穢有無皆是我心變化所現世尊我了如是唯心識故識性流出無量如來今得按記次補佛處佛問圓通我以諦觀十方唯識識心圓明入圓成實遠離依他及徧計執得無生忍斯為第一大勢至法王子與其同倫五十二菩薩即從座起頂禮佛足而白佛言我憶往昔恒河沙劫有佛出世名無量光十二如來相繼一劫其最後佛名超日月光彼佛教我念佛三昧譬如有人一專為憶一人專忘如是二人若逢不逢或見非見二

人相憶二憶念深如是乃至從生至生同於形影不相乖異十方如來憐念衆生如母憶子若子逃逝雖憶何爲子若憶母如母憶時母子歷生不相違遠若衆生心憶佛念佛現前當來必定見佛去佛不遠不假方便自得心開如染香人身有香氣此則名曰香光莊嚴我本因地以念佛心入無生忍今於此界攝念佛人歸於淨土佛問圓通我無選擇都攝六根淨念相繼得三摩提斯爲第一

論曰前文自烏芻瑟摩至虛空藏菩薩凡五聖者敘器界地水火風空五法今又敘根身五法應先

敘見聞覺知乃言識彌勒依識證圓通者也而先言之何也曰見聞覺知依識分別而有故首標焉一切境界皆唯識變實無而成寶杖論曰如人見動物爲蛇久而視之乃繩也則疑蛇之心不斷自息離徧計執如之然繩尚在又細視曰非繩也蓋麻耳則執繩之心又不斷而自息離依他執如之故曰遠離依他及徧計執得無生忍大勢至法王子則言與其同倫五十二菩薩者舉衆言之又曰佛問圓通我無選擇都攝六根淨念相繼者見聞覺知於此

天如言六根於眼曰因于明黑二種

妄塵於耳。因于動靜二種妄塵於鼻曰。因于通塞二種妄塵於身曰。因于離合二種妄塵於意曰。因于生滅二種妄塵故。以人證皆單婉之。獨於舌曰。因甜苦淡二種妄塵。甜苦自為二相。可以類生滅類離合類通塞類動靜類明暗矣。然尚有淡相。則世尊以藥王藥上二菩薩言之。是知經所立言非苟然者也。補曰。資中曰。橫計有情衆生壽有及我我所乃至情非情異執有實體。周徧計度名徧計性。計有因緣世間和合。建立名相執此假相。定從種生。雖無我執。自然種性假色心等為種生。

五蘊等法名依他性。無漏智體及真如法界名圓成性。彌勒正云。梅怛利曳那。此云慈氏。然慈之名。依三義而立。一依母以母性慈故。二依行。謂自行慈故。三依願。由宿願今成故。最初入道證慈心三昧以來。示迹誕生。悉同此號。

大佛頂如來密因修證了義諸菩薩萬行首楞嚴經合論卷第五

音切

翹音橋港音講揉音紐績音積鵠音斛縈音營抖音斗擻音叟伺音詩
窺音奴鈎音鈎馱音陸締音凡飢音飢隘音烏介音介闌音還聞音胡對音對燎音力照音照

媿匹詰恒切 恒當葛切

音四

合論卷第六

大佛頂如來密因修證了義諸菩薩萬行首楞嚴經
和以來示現端坐悉同此熱

茲姑三對願由前願今如姑最勝人直猶茲以三
對三美而立一 對母以母對慈姑二 對子隨自許
如卦願博五云赫對師更派也云慈丹然慈之
正慈等去各對此對無亂賢賢又真或去界各圓

大佛頂如來密因修證了義諸菩薩萬行首楞嚴經
合論卷第六

爾時觀世音菩薩即從座起頂禮佛足而白佛言世
尊憶念我昔無數恒河沙劫於時有佛出現於世名
觀世音我於彼佛發菩提心彼佛教我從聞思修入
三摩地初於聞中入流亡所所入既寂動靜二相了
然不生如是漸增聞所聞盡盡聞不住覺所覺空空
覺極圓空所空滅生滅既滅寂滅現前忽然超越世
出世間十方圓明獲二殊勝一者上合十方諸佛本
妙覺心與佛如來同一慈力二者下合十方一切六

道衆生與諸衆生同一悲仰

論曰三世如來十方菩薩以大方便破滅無明親
近般若之法式必自止觀而入故謂之初心方便
法界觀首曰修法界觀修者止也方其止時亦有
觀方其觀時亦有止如易陰中有陽陽中有陰耳
所言從聞思修者自聞中觀成止法者名方便
故自淺而入深緣麤而至妙是曰入三摩地彌勒
曰凡一法起卽具三義何謂三義曰率爾曰尋求
曰等流如初聞聲而覺率爾也驚而尋尋求也知
於聞中入流亡所所入既寂動靜二相了然不生

此前文此根初解先得人空義也以始從聞中入
流亡所遂至心精遺聞故曰如是漸增聞所聞盡
盡聞不住身所見空此前文空性圓明成法解脫
義也所言觀音者音聲無相其可見乎色相未嘗
至耳則音聲安能觸眼哉自是推之蓋根境本不
相知一切同時寂滅故曰生滅既滅寂滅現前此
前文解脫法已俱空不生義也問曰寂滅則無乃
成斷滅乎曰蓋言寂滅非斷滅也斷滅者死滅也
寂滅者長生而滅者也故維摩經曰得甘露滅覺

道成涅槃經曰甘露之性令人不死若合異物亦
能不死故言甘露滅者長生之不滅也今鼓鐘俱
擊有聲而不同知此不同者是生滅法也然鐘不
可爲鼓鼓不可爲鐘兩者之聲同時而聞未嘗相
參者則寂滅也故曰忽然超越世出世間十方圓
明此前文從三摩地得無生忍義也法華經曰以
何因緣名觀世音佛告無盡意菩薩善男子若有
無量百千萬億衆生受諸苦惱聞是觀世音菩薩
一心稱名觀世音菩薩即時觀其音聲皆得解脫
而偈曰真觀清淨觀廣大智慧觀悲觀及慈觀常

願常瞻仰謂之真觀則動靜二相了然不生是也
謂之清淨觀則盡聞不住覺所覺空是也謂之廣
大智觀則空覺極圓空所空滅生滅既滅寂滅現
前是也所言與佛如來同一慈力者謂之慈觀者
也與諸衆生同一悲仰者謂之悲觀者也 補曰
梵語阿那婆婁吉底輪此云觀音又云觀世音舊
翻光世音此之菩薩自聞根發起思慧故初於聞
中入聖諦流尋亡所聞之性也言所入既寂動靜
二相了然不生者成上入流亡所義也如是漸增
聞所聞盡者謂能聞所聞俱遣故也盡聞不住者

又遣之。蓋之迹也。覺所覺者。能聞所聞。既遣能
覺所覺。亦應空之也。空覺極圓者。覺觀出思惟也。
空所空滅者。身心不能及也。生滅既滅者。生滅二
圓離也。寂滅現前者。是則常真實也。忽然超越世
出世間者。聖凡情盡也。十方圓明者。舉無遺照也。
獲二殊勝者。下文備顯之也。所言與諸衆生同一
悲仰者。悲謂菩薩悲救衆生之心。如母憶子也。仰
謂衆生仰慕菩薩之心。如子憶母也。母子相憶不
相捨離。故曰同一悲仰。是以同一慈力。則入諸國
土。成三十二應身。同一悲仰。則令諸衆生獲十四

